



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԱՐԿԻ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ԼԻՆՍԻ ՀԻՄՆԱՐԿԻ ՆՈՐ ՆԱԽԱԳԱՅԸ
ԱՅՑԵԼԵՑ ԱԶԳ. ՎԱՐԺԱՐԱՆՆԵՐ ԵՒ ԱՌԱՋՆՈՐԴԱՐԱՆ

Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեանի ու ժողովականութեան ներկայացուցիչներուն հետ նախօրօք ճշդուած ժամադրութեամբ, Լինսի Հիմնարկի նոր նախագահ Տիար ՃԷյ Ռաքօ եւ փոխ նախագահ Տիար Յարութ Սասունեան Հինգշաբթի, 21 Փետրուարին այցելութիւններ տուին Ազգային չորս վարժարաններ, ծանօթանալու համար անոնց կրթական վիճակին ու զանազան ծրագիրներուն:

Առաջնորդ Սրբազանն ու Ազգ. Վարժարաններու Խնամակալ Մարմինի ներկայացուցիչներ՝ Տեարք Մարք Կետիկեան, Վարդգես Թովմասեան եւ Տիկին Սօսի Յովսէփեան առաւօտեան ժամը 10ին հիւր ներկայացուցիչները դիմաւորեցին Ազգ. Ֆերահեան Երկրդ. վարժարանին մէջ: Այնուհետեւ, շրջապտոյտը ընդգրկեց Ազգ. Ռոզ եւ Ալեք Փիլիպոս Երկրդ. Վարժարանը, Ազգ. Թիւֆէնքեան Մանկամսուրն ու Ազգ. Վահան եւ Անոյշ Շամլեան վարժարանները: Ա. Փիլիպոս վարժարանին մէջ կայացած հանդիպումին ներկայ էին նաեւ Խնամակալ Մարմինի անդամներէն Տիկին Մակի Սարգունի ու վարժարանին Ուսումնական Մարմինի ներկայացուցիչներ:

Մեր վարժարաններու Տնօրէններն ու անձնակազմերու ներկայացուցիչները մասնակցեցան հիւրերու դիմաւորումին ու զանոնց հաղորդ դարձուցին ուսումնական աշխատանքներու ընթացքին ու բարգաւաճման ծրագիրներու: Ազգ. Ռ. եւ Ա. Փիլիպոս վարժարանի տնօրէնութիւնը նաեւ ճաշով հիւրասիրեց յարգելի հիւրերը:

Քննական շրջապտոյտը պիտի շարունակուի յառաջիկայ Չորեքշաբթի, ընդգրկելով Լոս Անճելըսի ու շրջակայից միւս վարժարանները:

Առաջին օրուան շրջապտոյտի աւարտին, Առաջնորդ Սրբազանը, ժողովականութեան ներկայացուցիչներն ու հիւր պաշտօնատարները հասան Ազգ. Առաջնորդարան: Առաջնորդ Սրբազանը անոնց ծանօթացուց նոր շէնքին բաժանմունքներն ու ընդհանրապէս Ազգ. Առաջնորդարանի հովանիին տակ տարուող աշխատանքներուն շրջագիծը: Հրաժեշտի պահուն, Առաջնորդ Սրբազանը յուշանուէրներ յանձնեց Լինսի Հիմնարկութեան ներկայացուցիչներուն:

PRESIDENT OF THE LINCY FOUNDATION VISITS PRELACY SCHOOLS AND HEADQUARTERS

On Thursday, February 21st, H.E. Archbishop Moushegh Mardirossian, Prelate, President of The Lincy Foundation Mr. Jay Rakow, and Senior Vice-President Mr. Harut Sassounian visited four local Prelacy schools, accompanied by Board of Regents Chair Mr. Mark Guedikian and Vice-Chair Dr. Albert Tomassian.

The visit began at 10:00 a.m at Ferrahian High School, and continued at Rose and Alex Pilibos High School, where lunch was hosted by the administration. The visits continued in the afternoon with stops at Richard Tufenkian Pre-School and Vahan and Anoush Chamlian School. The purpose of the visits was to become more closely familiarized with the administration, students, activities, and projects of Prelacy day schools and to get a better understanding of the challenges they face.

Following the school visits the delegation arrived at the Prelacy headquarters where they were given a tour of the new premises and were acquainted with the various departments and undertakings of the Prelacy. Prior to their departure the Prelate presented the guests with mementos.

Visits to A.G. Minassian School, Armenian Mesrobian High School, and Levon and Hasmig Tavlian Pre-School will take place in the coming week.